



Tar ils giuvenils èn quels trais mats sin il podest: Franco Levy, Gianluca Schucany e Fabio Giger (da san.).

FOTOS G. N. STGIER

Per ina giada èn ils Engiadinais ils victurs

Di chantunal dals tiradurs giuvenils a Tavau

DA GION NUTEGN STGIER / ANR

■ **Silvan Arquint è il meglier tiradur giuven da noss chantun sin la distanza da 300 meters cun l'arma da militar. Tar ils giuvenils ha Gianluca Schucany gudagnà la concorrenza. Bravuogn e Sent van cun las arbas tar las gruppas. Medaglias han er fatg ils mats e las mattas da la Surselva.** Dapi 37 onns è il di chantunal dals tiradurs giuvenils il punct culminant da la stagion per la generaziun giuvna da tir grischuna. Gi lieu ha quel sonda al stan da tir regional «Langgut» a Tavau. Da la partida èn stads 90 giuvenils e giuvenils da tut las regiuns dal Grischun. Eruids èn betg mo vegnids ils campions grischuns singuls, mabain er quels da la concorrenza da gruppas. Las relaziuns excellentas han pussibilità als participants ed a las participantas da sajettar fitg buns resultats en cumparaziun cun la concorrenza 2016.

Flavia Capeder vicecampiunessa grischuna

Cun la victoria da *Silvan Arquint* da Scuol è la concorrenza tar ils giuvenils ida a fin cun ina surpraisa. Il mat che sajetta cun la «Società da tregants Sent» ha tratg precis e fatg 96 puncts da 100 puncts pussaivels. Arquint, el che deriva dad ina famiglia da chatschaders e pestgaders, ha

sajettà en la seria da quatter culps in total da 39 puncts ed uschia gudagnà l'occurrentza. Er fatg 96 puncts ha *Flavia Capeder* da Duin e cun quel bun resultat testifigà che da quel lieu derivan adina pussè buns tiradurs e tiraduras. En la seria da quels quatter davos culps dal program cun total diesch culps, che decida en cas da medem blers puncts totals, ha Capeder fatg «be» 38 puncts ed è uschia daventada vicecampiunessa grischuna tar ils giuvenils. Ina pulita surpraisa è segir il terz post da *Dominik Oberli* da Bravuogn cun il ferm resultat da 95 puncts. *Livio Cajochen*, il giuven tiradur da Sumvitg, el che aveva gudagnà ils quatter tirs da qualificaziun e partì a Tavau sco in dals favorits, ha sajettà 95 puncts, cun ina seria da «mo» 37 puncts e cuntanschi il malengraziavel quart post. *Miguel Sgier* da Tumeagl, il victur 2016 dal campinadi grischun dals giuvenils, è vegnì «be» 1avel.

Segund plaz per Franco Levy

Gudagnà nunspitgà la concorrenza dals giuvenils ha *Gianluca Schucany* da Ftan. Sco ses ami da squadra *Silvan Arquint* sajetta er el cun la «Società da tregants Sent» e cun sia victoria ha el procurà per in success dubel per quella uniun da tir. Schucany ha fatg 89 puncts, in punct daplì che *Franco Levy* da Sedrun/Tujetsch. El è in da quels mats dasperas blers auters

ed intginas mattas che profiteschan da la buna lavur da basa che vegn fatga per la promoziun dal tir da giuvenils e giuvenils sisum la Surselva. Cumplessiv il podest ha *Fabio Giger* da Tumeagl cun in resultat dad 87 puncts, el che aveva gudagnà avant in onn la concorrenza dals giuvenils. Bravuogn ha decidì a sia favur la concorrenza da gruppas tar ils giuvenils e Sent tar ils giuvenils.

Resultats

300 meters arma da militar

Giuvenils: 1. Silvan Arquint (Scuol) 96 puncts. 2. Flavia Capeder (Duin) 96 puncts. 3. Dominik Oberli (Bravuogn) 95 puncts. 4. Livio Cajochen (Sumvitg) 95 puncts. 5. Gino Gubser (Bravuogn) 94 puncts. 6. Noah Buchli (Farschno La Punt) 94 puncts. 7. Luzi Luzi (Zerneuz) 93 puncts. 8. Damian Defflorin (Rueras) 92 puncts.

Giuvenils: 1. Gianluca Schucany (Ftan) 89 puncts. 2. Franco Levy (Sedrun-Tujetsch) 88 puncts. 3. Fabio Giger (Tumeagl) 87 puncts. 4. Laura Tavasci (Grono) 86 puncts. 5. Rafael Gumpold (Guarda) 84 puncts. 6. Nico Derungs (Vrin) 83 puncts.

Gruppas

Giuvenils: 1. Bravuogn, 722 puncts. 2. Tumeagl, 684 puncts. 3. Schuders, 679 puncts. 4. Sent, 678 puncts. 5. Sedrun, 678 puncts. 6. St. Luzisteig, 675 puncts. 7. Castrisch, 667 puncts. 8. Rofna, 663 puncts.

Giuvenils: 1. Sent, 495 puncts. 2. Tumeagl, 486 puncts. 3. Vrin, 465 puncts. 4. Sedrun, 465 puncts. 5. Bravuogn, 443 puncts.



Flavia Capeder, la vicecampiunessa grischuna dals tiradurs giuvenils dal Grischun.



Terz plaz per la grupa da Vrin tar ils giuvenils: Giulio Blumenthal, Nico Derungs e Flavia Caviezel (da san.).



Ils premis èn pronti.



In'egliada sche la glista da rangaziun constat: Thomas Eichelberger e Walter Umbricht (da san.).



Victoria per la grupa Bravuogn tar ils giuvenils: Gino Gubser, Valerio Cavelti, Dominik Oberli e Cyrill Gubser (da san.).



Ferma prestaziun er da Livio Cajochen cun total 95 puncts.